

باگیچہ ء چے دیست

منی نام مہرنگ انت ء منی کستریں بُرات ء نام بالاچ انت۔ ما کراچی ء نشتگیں۔ پت اے وہد ء اسلام آباد ء شتگی یک روچے ناکو ء مارا باگیچہ ء بُرت۔ وہدے ما واتر بوتیں گُڑا مات ء جُست گُرت، "شما باگیچہ ء چے چے دیست؟"

ما سرجمیں کسہ گوں مات ء گُرت انت ء پدا چہ مات ء جُست گُرت، "پت ء گُلوے نبشتہ بہ کنیں ء ہال بدئیں؟" مات گل بوت ء پسوے دات، "ہو اگاں شمئے دل لوٹگ انت الم نبشتہ بہ کن ات۔"

من ء بالاچ وتی بان ء آتکیں۔ ما کاگد ء پنسل زُرت ء گُلو نبشتہ کنگ بندات گُرت۔ بالاچ ء گوشت من اے ڈول نبشتہ کناں، "مہروانیں ابا۔۔۔" من پسو دات، "من ہم ہمے ڈول نبشتہ کنگ ء آن۔" بالاچ ء گوشت من نبشتہ کناں، "ما باگیچہ ء شتگیں۔۔۔" من پسو دات، "من ہم ہمے ڈول نبشتہ کنگ ء آن، تو دگہ چیزے نبشتہ بہ کن۔ من اے ہم نبشتہ کنگ ء آن کہ ما شیرے دیستگ۔" بالاچ چہ وتی جاہ ء پاد آتک ء اوشتات۔ آئی ء گوشت، "اے ڈول من نبشتہ کناں۔ تو دگہ چیزے نبشتہ کن۔" من گوشت، "شر، پرواہ نیست من دگہ چیزے نبشتہ کناں۔ گُڑا من نبشتہ کناں کہ ما شادی ہم دیستگ۔۔" "بلئے شادی و من ء دوست بنت، ہمیشکہ شادی ء بابت ء من نبشتہ کناں۔"، بالاچ ء درائینت۔

من ء گُمان بوت کہ نوں ما وت ماں وت ء مڑیں بلئے ہمے دمان ء من ء پت گپ یات آتک، "ہجبر ما مڑ ات ء بُرات ء دلگوش ء بدار۔"

من گوشت، "گپے زان ئے، بیا من ء تو ہوار گُلو ء نبشتہ کنیں۔" بالاچ ء پسو دات، "اے تو شرّیں سوجے دات۔۔ ما گُلو چُوش بندات گُرت۔ مہروانیں ابلی۔ مروچی ناکو ء مارا ء باگیچہ ء بُرتگ۔ باگیچہ ء گردگ مارا سک باز وش بوت۔"

بالاچ ء درائینت، "مہرنگ! کسہ ء لچہ (نظم) ء ڈول ء نبشتہ کنیں، چے گوش ئے تو؟"

من گوشت، "واہ بالو! تو سگّیں وشیں سو جے دات۔ ہمے ڈول کنیں۔"

ما داں دیرں لچہ نبشتہ گُرت۔ دمانے ۽ پد مات ۽ توار گُرت کہ ورگ تیار آنت۔ ما
زُوت ۽ زُوت ورگ وارت ۽ پدا نبشتہ بندات گُرت۔ گڈّی ۽ ما لچہ سرجم گُرت۔ شما
ہم مئے نبشتگیں لچہ ۽ بہ وان ات۔

باگیچہ ۽ جے دیست؟

شیر دیست ۽ مَم دیست

رنگ پہ رنگیں پاتو دیست

بٹ دیست ۽ کپوت دیست

کسان کسانیں جنگل دیست

شادی گوں وتی سِٹ ۽ کیاں

زند ٹیلگیں گوگو ہم دیست

ابلی ویدے تو واتر کائے

باگیچہ ۽ دوبر سئیل ۽ درکائیں

نبشتہ کار: آمنہ اظفر

رجانکار: اے کے بلوچ